

Hauv Paus Tsev Kawm Ntawv Txoj Cai Siv Xov Tooj Ntawm Tes: Cov Ntsiab Lus Sib Tham

Lus Pib thiab Yav Tag Los

Xees Phos Tsoom Fwv Tsev Kawm Ntawv tab tom tsim ib txoj cai los siv thoob plaws rau hauv peb koog tsev kawm ntawv ntsig txog kev siv cov xov tooj ntawm tes thiab tej twj hluav taws xob, vim lub xeev Minixaustas tau hais kom yuav tsum ua li ntawd. Tam sim no, SPPS tsis tau muaj ib txoj cai hais txog kev siv xov tooj thiab pub siv txij twg xwb, ces thiaj li cia cov tsev kawm ntawv nyias txiav nyias txim siab rau txoj kev siv.

Ua ntej yuav tsim txoj cai rau hauv peb koog tsev kawm ntawv, peb tau koom tes nrog cov tub ntxhais kawm ntawv, cov tsev neeg, thiab cov neeg ua hauj lwm kom muaj kev to taub txog tej uas lawv nyiam, pom thiab txhawj txog txoj kev siv lub xov tooj ntawm tes, tej twj hluav taws xob thiab tsev kawm ntawv txoj cai. Peb thiaj li tau xa ntawv soj ntsuam los rau cov niam txiv, cov tub ntxhais kawm qib 6 txog 12 thiab cov neeg ua hauj lwm. Ntxiv rau qhov nov, peb tau tham nrog yim pab pawg niam txiv tawm tswv yim (Parent Advisory Councils), thiab zaum nrog cov tub ntxhais kawm hauv tsev kawm theem siab tham nrog rau Minixaustas ob tug senator.

Cov ntsiab lus nov yog tau los ntawm sawv daws txoj kev pom thiab yuav coj los tsim txoj cai siv xov tooj ntawm tes. Yog xav pom tag nrho cov ntaub ntawv nov no ces nej nug tuaj.

Tam Sim No Tsev Kawm Ntawv Coj Li Cas

Cov tsev kawm ntawv theem qis ces tsis pub siv xov tooj ntawm tes rau cov hnuv uas kawm ntawv li. Cov tsev kawm ntawv theem nrab los yeej tsis pub siv xov tooj ntawm tes rau cov hnuv uas kawm ntawv li thiab (txwv tu nrho). Cov tsev kawm ntawv theem siab ces txwv ib txhia, tsis pub siv hauv chav kawm, tiam sis siv tau thaum noj sus thiab taug kev mus rau lwm chav. Daim ntawv qhia cov kev txwv thiab siv tau tam sim no nyob [nov](#).

	Tsis Txwv	Txwv Ib Txhia	Txwv Tu Nrho
Tsev Kawm Ntawv Theem Qis	5*		35
Tsev Kawm Ntawv Theem Nrab	1 (SPPS Online)	2	13

Tsev Kawm Ntawv Theem Siab	1 (SPPS Online)	11	2
Chaw Kawm Ntawv Tshwj Xeeb	2*		2

*Cov tsev kawm ntawv uas muaj lub cim * nov tsis muaj txoj cai qhia tias siv li cas tiam sis yeej paub zoo tias tsis pub siv cov xov tooj ntawm tes, thiab lawv yuav nrog niam txiv tham 1 tauj 1 thaum tsim nyog.

Cov Neeg Uas Teb Cov Lus Soj Ntsuam Teb Tuaj Coob Li Cas

Kev soj ntsuam Online yog qhov uas coob tshaj, muaj tshaj li 10,000 tus neeg teb. Cov uas teb tuaj nov siab zog li 20%, thiab cov uas tsis yog teb ua lus Askiv siab zog li cov kev soj ntsuam yav tas los hauv SPPS.

Pab Pawg	Teb Tuaj Coob Li Cas	Saib Rau Puas Xees
Tub Ntxhais Kawm Ntawv	3,974	21%
Cov Neeg Ua Hauj Lwm	662	22%
Cov Tsev Neeg	5,870	20%
Tag Nrho	10,514	22%

Cov Tub Ntxhais Kawm Ntawv Seem Kev Pom


Cov tub ntxhais kawm hauv tsev kawm ntawv theem nrab thiab theem siab nyiam kom tsis txhob sau txoj cai nruj nruj heev. Lawv hais txog yuav siv lub xov tooj pab kev kawm, hu rau tsev neeg, mloog suab paj nruas thiab mloog pab rau lub hloob. Cov tub ntxhais kawm ntawv hais tias lub xov tooj kuj tsis meem txom los sis tab kaum lawv txoj kev kawm dab tsi ntau.

Tiam sis, cov tub ntxhais kawm ntawv qhia txog lawv kev siv xov tooj thaum kawm ntawv mas muaj kev txawv txav ntau. Cov tub ntxhais kawm ntawv qhia tias lawv siv xov tooj heev rau lub sijhawm kawm ntawv. Muaj li 12% hais tias lawv siv lawv lub xov tooj li ob xuj moos thiab ib nrab rau lub sijhawm kawm ntawv ntawm ib hnuv, thiab 7.5% hais tias lawv siv tshaj li ob xuj moos ntawm ib hnuv uas kawm ntawv. Cov kev soj ntsuam uas nrhiav tau no pom tias yuav tsis tshua zoo rau txoj kev kawm ntawv thiab yuav ua rau kawm tsis tau ntawv.

Cov Xib Fwb Seem Kev Pom

Piv rau cov tub ntxhais kawm ntawv, cov xib fwb pom txawv. Nyob rau hauv tsev kawm ntawv theem nrab thiab theem siab, cov xib fwb hais tias kev siv xov tooj muaj kev tab kaum heev. Muaj li 63% ntawm cov xib fwb hais tias qhov tsawg kawg, txoj kev siv xov tooj yeej ua kev meem txom ib zaug rau hauv ib chav, uas tus xib fwb yuav tau hais, thiab 39% hais tias muaj txog li peb zaug rov saud rau hauv ib chav.

Cov xib fwb hauv tsev kawm ntawv theem siab hais tias lawv muaj kev meem txom rau hauv chav ntau dua hauv tsev kawm ntawv theem nrab, tej zaum yog tsis muaj kev txwv thiab qhia kom siv tau xov tooj txij twg xwb. Ntxiv mus, cov tsev kawm ntawv theem nrab uas muaj kev txwv tsawg ntsib kev nyuaj ntau dua.



Cov xib fwb hais txog kev nyuaj siab rau qhov uas tsis muaj txoj cai siv xov tooj cuag ncuas los coj thiab pheej tau nrog tub ntxhais kawm ntawv sib cav txog txoj kev siv xov tooj. Qhov kawg, cov xib fwb tau tham txog qhov uas yuav tsum muaj txoj cai siv xov tooj thiab muaj kev cob qhia kom lub nra tsis txhob poob rau cov xib fwb xwb.

Niam Txiv/Tsev Neeg Seem Kev Pom

Cov niam txiv cov lus sib tham nyob rau hauv nruab nrab. Coob tus niam txiv pom qhov uas siv xov tooj ua rau muaj kev meem txom hauv chav, tiam sis ho xav kom qhib xov tooj thaum muaj xwm ceev thiab li hu tau lawv cov me nyuam. Cov niam txiv kuj pom sib txawv rau ntawm cov me nyuam xws li sau txoj cai nruj zog rau tsev kawm ntawv theem nrab, tiam sis xooob zog rau tsev kawm ntawv theem siab. Txhua qhov tag nrho, cov niam txiv xav kom yuav tsum sau txoj cai kom meej thiab zoo sib xws.

Kev Sib Txig Sib Luag

Cov xib fwb thiab cov tsev neeg puav leej kom yuav tsum muaj txoj kev sib txig sib luag rau hauv peb koog tsev kawm ntawv txoj cai. Txoj cai thiab kev siv yuav tsum haum rau cov tub ntxhais kawm uas muaj IEP, thiab muaj mob los sis muaj noj tshuaj tib si. Ntxiv mus, txoj kev qhuab ntuas yuav tsum tsis txhob raug rau ib tug tub ntxhais kawm twg los sis ib pab pawg neeg twg

los sis ua rau ib tug tub ntxhais kawm twg raug muab cais tawm tsis tau kawm ntawv. Qhov kawg, yog leej twg ua txhaum txoj cai ces yuav muab luj lim seb txhaum loj los sis me, tsis txhob ua nra hnyav rau cov xib fwb thiab niam txiv.

Kev Pom Zoo

Kev tsim lub hauv paus tsev kawm ntawv txoj cai siv xov tooj yuav tsum haum rau ntau hom neeg thiab kev pom ntawm cov tub ntxhais kawm ntawv, xib fwb, thiab niam txiv. Txoj cai yuav tsum muaj kev sib txig sib luag, hais kom meej, thiab txhawb rau txoj kev siv tau. Thaum tsim txoj cai yuav tau xav li cov kev pom zoo hauv no:

- **Soj ntsuam kom zoo zog ntxiv:** Xws li tsa ib pawg uas muaj cov xib fwb thiab/los sis niam txiv los nrhiav kom tau cov neeg uas cov kev hloov no yuav muaj qab hau rau lawv los soj ntsuam.
- **Txoj cai muaj kev cuag ncuu, thiab meej rau txoj kev txuas lus:** Txhua tus neeg uas muaj feem xav tau txoj cai hais kom meej thiab sib thooj rau txoj kev siv thooj plaws cov tsev kawm ntawv.
- **“Thaum mus ib chav rau ib chav” los sis “txwv tu nrho” rau cov tsev kawm ntawv them qis thiab them nrab:** Cov kev soj ntsuam pom zoo txwv tu nrho rau hauv tsev kawm ntawv them qis thiab them nrab. Hauv tsev kawm ntawv them siab ces sib xyaw daws; cov neeg uas muaj feem xav kom cov tub ntxhais kawm ntawv siv tau xov tooj rau qee yam, tiam sis xov tooj yog qhov cuam tshuam thiab meem txom rau hauv tsev kawm ntawv them siab dua hauv them nrab (tej zaum yog txwv tsis nrug).
- **Kev txhawb cov xib fwb siv thiab tswj:** Nov yog thawj lo lus uas cov xib fwb hais tias lawv tsis muaj kev txhawb kom lawv hais tau tsis txhob siv xov tooj hauv chav. Tsis muaj lus ruaj khov txhawb ces kev tswj hauv chav tsis cuag ncuu, ua rau plam lub sij hawm qhia thiab kev sib raug zoo ntawm cov xib fwb thiab tub ntxhais kawm ntawv.
- **Hais txog kev txuas lus nrog niam txiv:** Txoj cai yuav tau hais txog qhov uas niam txiv yuav hu rau me nyuam raws li dej num thiab thaum muaj xwm ceev.
- **Tsim txoj cai kom siv tau sib txig sib luag:** Txoj cai yuav tsum hais txog IEP/504 plans, tiv thaiv kev sib cais kawm, tiv thaiv kev ua nra rau niam txiv, thiab haum txhua tus tub ntxhais kawm ntawv.
- **Kev siv twj hluav taws xob kawm ntawv:** Tsev kawm ntawv yuav tau tsim txoj cai siv twj hluav taws xob nrog rau kev kawm ntawv kom paub tias yuav siv txij twg.
- **Kev soj ntsuam ntxiv mus:** Lub hauv paus tsev kawm ntawv yuav tsum tsim ib txoj hau kev los saib seb txoj cai no puas ua hauj lwm zoo thiab kho kom zoo ntxiv raws li tsim nyog lawm yav tom ntej.

Cov Kauj Ruam Tom Ntej

Cov kev soj ntsuam uas nrhiav tau thiab txoj cai uas muab kos tau thawj lwm raws li kev pom zoo ces twb muab qhia rau cov tsav xwm thaum lub Kaum Ob Hlis tim 19, 2024 lawm. Cov ntaub ntawv thiab txoj cai uas muab kos tau muaj nyob rau hauv phau [BoardBook](#) pib phab 123 mus. Cov tsav xwm twb muab txoj cai los tham ntxiv rau thaum lub Ib Hlis tim 7, 2025 lawm. Nej mloog tau lawv cov lus sib tham hauv nov. [Listen to a recording of the discussion here.](#)

Cov tsav xwm yuav rov tham txog txoj cai no rau hauv lawv ob lub rooj sib tham tom ntej no uas yog lub Ib Hlis tim 21, thiab lub Ob Hlis tim 18, thiab npaj tias yuav pov ntawv xaiv rau thaum lub

Ob Hlis tim 18 uas lawv sib tham ntawd. Yog leej twg muaj lus xav hais txog txoj cai nov no ces mus sau npe rau hauv qhov [sign up for public comment](#). Thaum cov tsav xwm pom zoo lawm ces tsev kawm ntawv yuav npaj siv rau xyoo 2025-26 thaum lub Cuaj Hli mus.